



ᐱᑦᓂᓄᓄᓄᓄᓄᓄᓄᓄ ᓄᓄᓄᓄᓄᓄᓄᓄᓄᓄᓄᓄᓄᓄᓄᓄᓄ
Western Premiers' Conference
Uataani Hivuliqtiyuut Katimakyuarutaat
Conférence des premiers ministres de l'Ouest

Qilamik Tuhqtitaujukhaq

Imaruqtirvia 15, 2021

Uataani Hivuliqtit Turaaqhimajut Aanniaqtailinirmun Munaridjutit Maniliurutinunlu Ihuaqhinirmun

Uataani Hivuliqtit katimajut hivajautikkut ublumi uqautigilugu angmaffaarutikhaa upalungaijautit, hakugiktumik maniliunirmik ihuaqhinirmun, aanniaqtailinirmunlu uataani tununganilu Kanatamiut.

Uataani Hivuliqtit uqaqtaat amigaitut havaakhariaktuq hivumuurutikhaq mamitpalianirmun tamaani Kanatami, akhullu tuqikhaqhugit inmi uqariirutait havaqatigiiklutik Nunaqaqaaqtunun inungnun tamaani Kanatamiunun. Naunaiqtajut huiqhijamajut talvani najugaani hivuagut Kamloops Aallait Aulqitahimajut liharvianni umani Tk'emlúps te Secwépemc Hivulliujut Aallait itqaumadjutaujuq tapkuat amigaitunik-ukiuqaqtut tuquffihungnirmun aulajut kinguliungituuq: aulahimaaqtumik hulaqutaajuuq Nunaqaqaaqtunun inungnun ublumimun. Hivuliqtit nangiqhutik pittiarikkut haniini Nunaqaqaaqtut inuit.

Uataani Hivuliqtit uqariiqtuut tuhaalutik, ilitpalialutik, naunainikkullu ikajuqlugit Nunaqaqaaqtutigit-hivuliqhungnikkut mamihainirmun havaakhanik. Hivuliqtit ilihimajaat tamna mamihainiq pijariaqaniaqtuuq hakugiktumik havaqatigiingnirmik qitqani Nunaqaqaaqtut nunallaat, ukualu aviktungniit, aviktuqhimajut, kanatapku kavamait.

Hivulliqtiujut ingummaqpiakhimajut tapkunanga qanikkut Islamophobic piujungmata nunagani London, Ontario, imaalu uqarivaktait inmik ihumagijamingnik taimailiuriaqangittut inugluguhurnirmik Kanadami.

Inuuhirmun Munaridjutit

Una qalagjuarniq COVID-19 aanniarut nunaquami tautuktitiijuq akhuunqaqtunik hakugikngnikkut ihuangnirmunlu aanniaqtailinirmun auladjutinun. Aanniarunmun nunaquami-ilaujut atahuinarmik kanatap maniliqtuutaa ikajuutaujuq, kihimi pihimaniq hakugingniatigut aanniaqtailinirmun auladjutinun hivitujumik-kikliqaqtuuq ajungnaqtuuq. Naitumik-maniliqtuutit pidjutaungituuq auladjutitingnun ihuarnirmun apqunmun,

ikajuutaungituqlu hanaqidjutinun manikhanun tapkua pijariaqaqtut hivitujumik-maniliqtuirmun munaridjutinun auladjutinun.

Uataani Hivuliqtit taitai tukhulauqtut kanatap kavamanginun ihuaqhaqlugu aanniaqtailinirmun maniliqtuirmun havaqatigiingnirmun, imaa tunihilutik ihuangnikkut, hivitujumik-kikliqaqtumik maniliqtuirmik haffumuunga Kanatap Aanniaqtailinirmun Nuutirutinun (CHT). Siksit kinguliit tatqiqhiutit, uvani Ubluiqtirvia 2020mi, una Angajuqarjuaq ilituripkaijuq tamna kanataup kavamait ihariagijaqaqtut akituqjuumiqlugu aanniaqtailinirmun maniliqtuidjutit haffumuuna CHT-kut. Akhuuqpaktuq uqaqatigijumaplugit talvuuna Hivuliqtijuut – tadjja uqautigijakhariliqtat una. Aadjikiiktumik hivitujumik-kikliqaqtut maniliqtuutit havaqatigiingnirmun iharianaqtut ikajuutikhat ihuaqtumik aanniarutinun nunaqjuami mamitaangini, ilaujut mikhijuumiqlugit nutaqiunirit, uqautigilugit amigaitut kinguvaqtut naunaijaijut pilakhiqtukhallu, havakhugillu aanniaqtailinirmun ihariagijaujut Kanatamiunin haffuumainaujumun atuqtulugu una aanniarut nunaqjuami, kihimi ukiunilu qaijuni.

Uataani Hivuliqtit uqautigihimaaqtait amigaitut PT qilamik aulahimaaqtumiklu akituqjuumiqlugit hapkua CHT pijaangini pihimalugillu kanatamin ikajuutait imaa 35% PT aanniaqtailinirmun munaridjutinun akiligahanun.

Uataani Hivuliqtit uqautigilugu amigaiquumiqtut qanuriniit ihumamun aanniaqtailiniq ipiralainiqlu ajuqhautit Uataani Kanatap ihariagijauyllu kiudjutigilugit hapkua ajuqhautit. Una qalagjuarniq COVID-19 aanniarut nunaqjuami ingatautijuq ajuqhautinun, imaalu Hivuliqtit ilitarijaat hulaqutait Kanatamiut, ihumamun aanniaqtailinirmun, taimaalu havaakhagiakhijuq amigaijuumiqlugit ilituqhaidjutit kivgaqtuutinun ikiklijuumiqlugit ihuiguuutit ilaujut ikajuqtaunirmun. Hivuliqtit naunaijaqtait ukua Katimajjit Katimajiquangit nipiliuqhijamunun, Itquumajut Atuqtaujut, kitut pidjutiqaqtut havaqatigiingnirmun nutaanik ihumakkut aanniaqtailinirmun ipiralainirmunlu ikilijuumiqlugillu ihuiguuutit atautini nunani.

Maniliurutinun Ihuaqhijut

Uataani Hivuliqtit uqautigiblugu akhuunarnirit ihuaqhiugit anginirhakkut niuvaanirmun pijaarnirit Kanatami hunat, kivgaqtuutit, ikajuutillu, ilaujut auladjutinun hunat, akhuurutaillu tapkua auladjutinun havagviit maniliurnikkut ihuaqhijutiniaqtut. Uataani Hivuliqtit uqautigiblugin inmi ihumaaluutitik akhuungnaqtunun ajuqhautinun pinirmun hunat iglunun nunaqjuamilu niuvaadjutit. Angirutigiblugu pilutik angijunik auladjutinun igluqpangnik, tujuqtaujut havaakhat, ukualu aalat igluqpatigut havaakhat iniqtaujut qilamik uqautigiblugin avatiptingnun hulaqutauniaqtut pihimablugin anginirhakkut atugahat Nunqaqaqtunun katimadjutit inungnunlu ilauqatigiingniqw.

Uataani Hivuliqtit ilitarijaat akhuurutit maniliunikkut havaqatigiit inmilu munaridjutai ihuaqhijuumirutikhat niuvaanikkut pijaarnirit, ikajuqhugit mailiunirmun

ihuaqhivaliadjutikhat, pihimalugillu Kanatamiut tunijaulutik tamainik ihuaqtumik inmi ikajuutikhainik. Uqautigiblugu ihariahungnirmik nakuujumik pihimalugulu tamainnut Kanatian havaakhainnut maniliunikkut havagviit, pijaarnirillu unghahiktuni niuvaaviit unalu tariumi tulakvikhat, pijaangini ihuaqhaidjutikhanik ihuiguhuutinun. Hivuliujuut uqautigiffaaqtat ikajuutikhatik Line 5, una ihariagijaukpiaktuq turrarvikhat avatingnut Kanadaup ukuallu United States, imaalu uqarvigilugit State of Michigan havaqatigilugit ukuat Enbridge ihuaqharlugit ihuiqtauhimajut uvani Line 5.

Ikajuriangini maniliunikkut havagviit tapkua kivgaqtuniaqtut uataani Kanatap, Hivuliqtit tukhulauqtait kanatami kavamatkut havaqatigilugit Uataani avikhimajuni imaalu ukiuqtaqtumi pijaangini nakuunikkut nuutirnimmun nutaamun kanatami maniliqtuidjutinun ataani Kanatami Niuvaanikkut Havagviit Manikhait Maniliqidjutini 2021mi hivuraani hivuliujuukhanun havaakhanun.

Uataani Hivuliqtit uqaqtait qanganuaq aulahimaaqtullu kanatamin maniliurutit igluqpangnun. Hivuliqtit akhuurutigijaat aulahimaatumik havaqatigiingniq ilauqaitingnirillu uqautigilugit hivitujumik igluqpinikkut ajuqhautit. Havaqatigiingnirmun-tamainun igluqpinirmun, imaatun tulakvikhanun, apqutinun, milvingnun, igluqpatigut, tuhaqtidjutinun, auladjutit uhidjutainun nuutirnimmunlu, nunallaallu igluqpakhainun, piqaqlutik turaangajunik atadjutinik maniliunirmun angiklivalidjutikhainun. Anginiqaqtuq pijaami ikajuutikhangit, ilaunirmirilu, maniliurahuarutikhanut naqatqutikhanik tamainnit ihuarijaujuq, tapkunangaluaq Nunaqaqqaahimajunit inungnit.

Uataani Hivuliqtit uqautigihimaaqhugit ihariagijaitigut akituqjuumilugit kanatap maniliurutait; ihuaqtunun hapkununga avikhimajuni imaalu ukiuqtaqtumi ihumaliuriangini inmi hivuliujuukhanun; ihuaqtunik angirutit havauhiit; ajungnaiqlugit titiqiqidjutit uniudjutinunlu, iliturijuminaqtut havaqatigiigutit. Hapkua ihuaqhaidjutikhat iharianaqtut aularutifaarutikhait maniliurutit, havaklugit havaakhat, hivumuurutillu mamihainirmun, pihimalugulu tamna avikhimajuni imaalu ukiuqtaqtumi pijaangini inmi igluqpinikkut ihariagijaujut hivuliujuukhallu.

Uataani Hivuliqtit nutannguqtiqtait uqautikhatik talvuuna kavamatuqatkut kavamanga ikajuutikhanik pujuqarluangittunik himmautikhanik tamainni nunarjuami kigligingnik imaalu havaqatigilugit avikhimajuni imaalu ukiuqtaqtumi qanuriliurutikhanik atuqtakhamingnik iniqtiutikhanik maliktakhat ataani Nakata 6 uumani Paris Angirutaa. Una ilaujut pijaami avikhimajuni imaalu ukiuqtaqtumi tamaat ihuaqtumik ikiglitikhanik pidjutigiplugit qanuriliurutikhangit nunagijaujuni, ilaujutlu ilitaqhitikhangit tikipkaidjutikhanik, imaalu aullaranginaqumik auladjutikhanik atuqtakhanik, Kanadamiut havagvinginik atuliqtauhimajunik.

Uataani Hivuliqtit uqautigiblugu hivuurarnirit hilap aalanguqtirniranun avatipitingnun, inungnun aanniaqtailinirmun qajangnautinunlu, igluqpinirmun, maniliurutinunlu. Uqautigiblugu pijakhat ihuaqhaidjutikhat kanatami hilap aalanguqtirniranun maniliurutillu

ihuaqhijuumirutikhait maniliqtuutit havagiangini hakugitqiamik, halumajumik, akittarnirmunlu Kanatami maniliurutit. Aviktungniit aviktuqhimajullu aulahimaaqtumik havaklugit hilap aalanguqtirniranun upalungaijautit tapkua uqautigilugit inmi nunamingnik ihariagijatik, tapkua ikajuutaujut Kanatamun pujuum anialailaqtuaa mikhijuumirutikhat turaarutait.

Tuhaqtidjutikhanut Uqarvikhaq:

Cate Macleod
Tuhaqtitaujuqhanut Titiraqtia Hivuliqtimun Savikataaq
867-975-5059
cmacleod@gov.nu.ca